

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA/FINANCIJA

GODIŠNJI IZVJEŠTAJ
O DODIJELJENOJ DRŽAVNOJ POMOĆI
U FEDERACIJI BIH U 2024. GODINI

Sarajevo, maj 2025. godine

SADRŽAJ

UVOD	2
1. IZVJEŠTAJ O DODIJELJENOJ DRŽAVNOJ pomoći U FEDERACIJI BiH u 2024. GODINI	4
1.1. Metodologija za izradu Godišnjeg izvještaja o dodijeljenoj državnoj pomoći u Federaciji Bosne I Hercegovine	5
2. DODIJELJENA DRŽAVNA pomoć U FBiH ZA 2024. GODINU	7
2.1. Državna pomoć dodijeljena u Federaciji BiH po federalnim budžetskim korisnicima i kantonima za 2024. godinu	7
2.2. Državna pomoć dodijeljena u Federacije BiH po federalnim budžetskim korisnicima i kantonima za period 2022- 2024. g.	8
2.3. Državna pomoć Federacije BiH u odnosu na BDP	11
2.4. Državna pomoć dodijeljena u Federaciji BiH po kategorijama/vrstama dodijeljenje državne pomoći	12
2.5. Državna pomoć dodijeljena u Federaciji BiH po instrumentima	14
2.6. Struktura dodijeljene državne pomoći u Federacije BiH za 2024.	15
2.6.1. Struktura horizontalne državne pomoći u Federacije BiH za 2024. godinu.....	16
2.6.2. Struktura vertikalne državne pomoći u Federaciji BiH za 2024. godinu.....	16
ZAKLJUČNA RAZMATRANJA	17

UVOD

BiH ima obavezu oblast dodijele državne pomoći urediti na isti način kao što to čini EU a cilj ovog uređenja je efikasnije trošenje javnih sredstava, kao i unaprijeđenje transparentnosti trošenja javnih sredstva. Ova obaveza nastala je potpisivanjem Sporazuma o stabilizaciji i pridruživanju (SSP) između Bosne i Hercegovine (BiH) i Evropske unije (EU), odnosno Privremenog sporazuma o trgovini i trgovinskim pitanjima. Iz tog razloga usvojen je Zakon o sistemu državne pomoći u Bosni i Hercegovini („Službeni glasnik BiH“ broj 10/12 i Zakon o izmjenama i dopunama Zakona o sistemu državne pomoći u Bosni i Hercegovini¹ u 2020. godini („Službeni glasnik BiH“ broj 39/20). Navednim zakonom i izmjenama i dopunama istog uređeno su opći uvjeti za dodjelu pomoći, nadzor nad dodjelom i korištenjem potpore, te odobravanje državne pomoći od strane Vijeća za državnu pomoć. Dalje, predmet ovih zakona je pojam državne pomoći, provedbena tijela, te osobe koje mogu biti davatelji i korisnici državne pomoći.

U smislu ovog Zakona i izmjenama i dopunama ovog Zakona, **državna pomoć** je svaki stvarni ili potencijalni javni rashod ili umanjeno ostvarenje javnog prihoda, postojećeg, planiranog ili potencijalnog, koju može dodijeliti ili planirati, direktno ili indirektno, davatelj državne pomoći, u bilo kojem obliku, čime se narušava ili postoji opasnost od narušavanja konkurencije na tržištu stavljanjem u povoljniji položaj određenih privrednih subjekta, proizvodnje ili trgovine određenih proizvoda ili pružanje određenih usluga, ukoliko to utječe na ispunjavanje međunarodnih obaveza BiH iz ove oblasti.

Za provođenje Zakona, nadležna su **provedbena tijela** i to: Vijeće ministara BiH, Vlada Federacije BiH, Vlada Republike Srpske i Vlada Brčko Distrikta putem svojih nadležnih tijela.

Davatelji državne pomoći su BiH, FBiH, RS, BD BiH, kantonalne, gradske i općinske uprave putem ovlaštenih pravnih osoba koja dodjeljuju ili upravljaju državnom pomoći.

Korisnici državne pomoći su privredni subjekti koji obavljaju privrednu djelatnost sudjelujući na tržištu putem proizvodnje ili trgovine robe i/ili usluga.

Oblici državne pomoći mogu biti Program državne pomoći i Pojedinačna državna pomoć.


Program državne pomoći podrazumijeva svaki akt na osnovu kojeg se mogu, bez potrebe za dodatnim provedbenim mjerama, dodjeljivati pojedinačne pomoći korisnicima koji su utvrđeni u aktu na općenit i apstraktan način, te svaki akt na temelju kojeg se pomoć koja nije povezana s određenim projektom može dodijeliti jednom korisniku ili više njih na neodređeno razdoblje i/ili u neodređenom iznosu.

¹ Službeni glasnik Bosne i Hercegovine, broj 39/20 od 03. jula 2020. godine

Pojedinačna državna pomoć je pomoć koja se ne dodjeljuje na temelju programa pomoći i svaka pomoć koja podliježe obavezi prijave, a dodjeljuje se na temelju programa pomoći.

U cilju usklađivanja s EU tekovinama u području dodijele državne pomoći, Vlada Federacije BiH (u daljnjem tekstu FBiH) je usvojila **uredbe** kojima se definiraju uvjeti i procedure dodijele državne pomoći, kao i izrada godišnjeg izvješća:

- Uredba o načinu i procedurama prijavljivanja državne pomoći u Federaciji Bosne i Hercegovine²,
- Uredba o metodologiji izrade godišnjeg izvještaja o dodijeljenoj državnoj pomoći u Federaciji Bosne i Hercegovine³,
- Uredba o uvjetima za dodjelu državne pomoći u obliku naknade za obavljanje i izvršenje javnih usluga privrednim subjektima kojima je povjereno obavljanje usluga od općeg ekonomskog interesa⁴,
- Uredba o namjeni, kriterijima i uvjetima za dodjelu državne pomoći u Federaciji Bosne i Hercegovine⁵,
- Uredba o uvjetima i postupku za dodjelu pomoći male vrijednosti - *de minimis* pomoć⁶.



² Službene novine Federacije BiH, broj 104/13

³ Službene novine Federacije BiH, broj 41/15

⁴ Službene novine Federacije BiH, broj 27/18

⁵ Službene novine Federacije BiH, broj 27/18

⁶ Službene novine Federacije BiH, broj 22/25

1. IZVJEŠTAJ O DODIJELJENOJ DRŽAVNOJ POMOĆI U FEDERACIJI BIH U 2024. GODINI

Godišnji izvještaj o dodijeljenoj državnoj pomoći predstavlja pregled dodijeljene države pomoći po različitim osnovama tj. po korisnicima, vrstama i instrumentima dodjele pomoći. Istim se prezentira struktura dodijeljene pomoći, kao i procenti učešće u BDP- u FBiH, te iznos pomoći po glavi stanovnika u Federaciji BiH. Uredbom o metodologiji izrade godišnjeg izvještaja o dodijeljenoj državnoj pomoći u FBiH definiran je između ostalog i sadržaj izvještaja. Godišnji izvještaj o dodijeljenoj državnoj pomoći sadrži:

- uvodni dio sa metodologijom i principima izrade,
- pregled ukupnog iznosa dodijeljene državne pomoći,
- analizu ukupne dodijeljene državne pomoći,
- pregled državne pomoći prema namjeni,
- pregled državne pomoći prema vrstama,
- uporedne podatke o državnim pomoćima dodijeljenim u izvještajnoj godini i u prethodne dvije godine,
- analizu dodijeljenih državnih pomoći u izvještajnoj godini.

Za izradu Godišnjeg izvještaja za 2024. godinu popunjene propisane obrasce dostavilo je osam kantona sa pripadajućim općinama, te pet ministarstava FBiH. Ostala federalna ministarstava i kantoni dostavili su informaciju da u 2024. godini nisu dodjeljivali državnu pomoć.

Federalno ministarstvo finansija/financija, kao organ za sprovođenje Zakona o državnoj pomoći, izvršilo je analizu dobijenih podataka o dodijeljenim državnim pomoćima u 2024. godini, dostavljenih od strane davatelja državne pomoći i sačinilo Godišnji izvještaj za 2024 godinu.

Ukupna dodijeljenja državna pomoć u 2024. godini, uključujući i pomoć dodijeljenju u oblasti poljoprivrede, iznosi **351.305.754 KM** ili **179,6 mil €**. Učešće državne pomoći u bruto domaćem proizvodu Federacije BiH (u daljem tekstu: BDP F BiH) iznosi 1,07%.

Dodijeljena državna pomoć bez poljoprivrede iznosi 124.461.660 KM ili 63,6 mil. €.

Državna pomoći za promoviranje regionalnog razvoja u 2024. godini iznosila je 431.600 KM.

Horizontalna državna pomoć je dodijeljena u iznosu od 36.020.757 ili 18,4 mil €, što čini učešće ove državne pomoći u ukupno dodijeljenoj državnoj pomoći od 10,3%.

Vertikalna državna pomoć u 2024. godini iznosila je 32.158.097 KM, ili 16,4 mil.€, sa učešćem od 9,2% u ukupnoj dodijeljenoj pomoći.

Državna pomoć male vrijednosti (**de minimis** državna pomoć) dodijeljenja je u iznosu od 53.231.653 KM ili 27,2 mil. €, što iznosi 15,2% od ukupne državne pomoći.

Državna pomoć za usluge od općeg ekonomskog interesa dodijeljena je u iznosu od 2.619.553 KM ili 1,3 mil. €, što čini učešće u ukupno dodijeljenoj državnoj pomoći od 0,7%.

Državna pomoć u sektoru **poljoprivrede** dodijeljena je u ukupnom iznosu od 226.844.092 KM ili 116,0 mil € što čini učešće ove državne pomoći u ukupno dodijeljenoj državnoj pomoći od 64,6%.

1.1. Metodologija za izradu Godišnjeg izvještaja o dodijeljenoj državnoj pomoći u Federaciji Bosne i Hercegovine

Uredbom o metodologiji izrade godišnjeg izvještaja o dodijeljenoj državnoj pomoći u FBiH⁷ uređeni su metodologija izrade Godišnjeg izvještaja, rokovi za dostavu i sadržaj podataka za izradu Godišnjeg izvještaja. Predmet ove uredbe je i obrazac za prijavu državne pomoći putem kojeg davatelji državne pomoći dostavljaju svoje podatke Federalnom ministarstvu finansija.

Do 30. aprila tekuće godine, davatelji državne pomoć, odnosno budžetski korisnici svih nivoa vlasti u FBiH, imaju obavezu dostaviti Federalnom ministarstvu finansija kao organu za sprovođenje Zakonu o sistemu državne pomoći u BiH, podatke za Godišnji izvještaj za prethodnu kalendarsku godinu. Kantonalna ministarstva finansija dužna su sačiniti objedinjeni izvještaj koji će sadržavati podatke o dodijeljenoj državnoj pomoći u kantonu kao i podatke o dodijeljenoj državnoj pomoći za sve pripadajuće gradove i općine. Izuzetno, za državnu pomoć dodijeljenu u oblasti poljoprivrede dostavlja se samo iznos ukupno dodijeljene pomoći bez podataka o pojedinačnim dodijeljenim iznosima pomoć.

Podaci za izradu Godišnjeg izvještaja dostavljaju se u pisanoj i elektronskoj formi na propisanom Obrascu za praćenje i ex post kontrolu državne pomoći, koji između ostalog sadrži podatke o davatelju državne pomoći, podatke o korisniku državne pomoći, te oblik i instrumente pomoći.

Državna pomoć je, sukladno cilju i iznosu državne pomoć, razvrstana prema sljedećim kategorijama/vrstama pomoć:

- 1) **Državna pomoć za promoviranje regionalnog razvoja**
- 2) **Horizontalna državna pomoć:**
 - a) državna pomoć malim i srednjim privrednim subjektima;
 - b) državna pomoć za sanaciju i restrukturiranje privrednih subjekata u teškoćama;
 - c) državna pomoć za zapošljavanje zaposlenika koji se teže zapošljavaju ili s invaliditetom;
 - d) državna pomoć za zaštitu životne sredine;
 - e) državna pomoć za istraživanje, razvoj i inovacije;
 - f) državna pomoć za usavršavanje;
 - g) državna pomoć u obliku rizičnog kapitala;

⁷ „Službene novine Federacije BiH“, broj 41/15

h) državna pomoć u oblasti kulture;

3) **Vertikalna** državna pomoć – pomoć posebnim sektorima:

- a) državna pomoć u sektoru proizvodnje čelika;
- b) državna pomoć privrednim subjektima u sektoru vađenja uglja;
- c) državna pomoć u sektoru saobraćaja;

4) Državna pomoć **male vrijednosti** (de minimis državna pomoć).

Državna pomoć za promoviranje regionalnog razvoja može se dodijeliti kao pomoć za početno ulaganje i za operativno poslovanje privrednim subjektima.

Horizontalna državna pomoć je namjenjena za pomoć u privredi, a može se dodijeliti za sanaciju i restrukturiranje, za zapošljavanje zaposlenika koje se teže zapošljavaju, za zaštitu životne sredine, za istraživanje, razvoj i inovacije, za stručno usavršavanje, te u obliku rizičnog kapitala i u oblasti kulture.

Potpota u saobraćaju, u sektoru proizvodnje čelika i sektoru vađenja uglja predstavlja Vertikalnu državnu pomoć.

Državna potpora male vrijednosti ili de minimis državna potpora može se dodijeliti jednom privrednom subjektu u Bosni i Hercegovini ne smije premašiti 300.000 € u protuvrijednosti KM obračunato prema srednjem kursu Centralne Banke Bosne i Hercegovine u trenutku dodjele pomoći, u toku bilo kojeg trogodišnjeg razdoblja.

Instrumenti putem kojih se može dodijeliti državna pomoć su propisani člankom 7. Uredbe:

1. subvencije/poticaji;
2. nepovratna pomoć, grantovi;
3. umanjenja ili izuzeća od primjene finansijskih obaveza;
4. porezne olakšice;
5. otpisivanje dugovanja ili preuzimanje dugovanja;
6. dodjeljivanje zajmova sa preferencijalnim kamatnim stopama i
7. druge vrste dodjele državne pomoći.

2. DODIJELJENA DRŽAVNA POMOĆ U FBIH ZA 2024. GODINU

Ovim izvještajem daje se pregled dodijeljene državne pomoći po kantonima, po federalnim ministarstvima, te po oblicima i instrumentima dodijeljene državne pomoći.


2.1. Državna pomoć dodijeljena u Federaciji BiH po federalnim budžetskim korisnicima i kantonima za 2024. godinu

Pregled ukupno dodijeljene državne pomoći bez potpore za poljoprivredu po kantonima FBiH u 2024. godini prikazana je u sljedećoj tabeli i grafikonu:

Tabela 1. Ukupno dodijeljena i realizirana državna pomoć po kantonima u 2024. godini

R.br.	Kanton\Županija	Iznos u KM	Iznos u mil €	Učešće u ukupnom iznosu
1	UNSKO-SANSKI KANTON	6.167.818	3,15	8,9
2	ŽUPANIJA POSAVSKA	0	0,00	0,0
3	TUZLANSKI KANTON	16.231.004	8,30	23,4
4	ZENIČKO-DOBOJSKI KANTON	4.184.649	2,14	6,0
5	BOSANSKO-PODRINJSKI KANTON	2.781.315	1,42	4,0
6	SREDNJOBOSANSKI KANTON	0	0,00	0,0
7	HERCEGOVAČKO-NERETVANSKI KANTON	12.864.937	6,58	18,6
8	ŽUPANIJA ZAPADNOHERCEGOVAČKA	3.728.282	1,91	5,4
9	SARAJEVSKI KANTON	21.355.067	10,92	30,8
10	HERCEGBOSANSKA ŽUPANIJA	2.008.438	1,03	2,9
UKUPNO		69.321.510	35,44	100,0

Grafički prikaz dodijeljene državne potpora po županijama u 2024. godini (%)




U nastavku izvještaja tabelarno i grafički je predstavljena ukupno dodijeljena državna pomoć po federalnim ministarstvima i procentualno učešće u ukupnom iznosu dodijeljenje državne pomoći.

Tabela 2. Ukupno dodijeljena državna pomoć po federalnim ministarstvima u 2024.

Rbr.	BUDŽETSKI KORISNIK	Iznos KM	Iznos mil €	Učešće u ukupnom iznosu %
1	FM energije, rudarstva i industrije	2.518.000	1,29	4,57
2	FM prometa i komunikacija	24.645.000	12,60	44,70
3	FM razvoja, poduzetništva i obrta	19.646.149	10,04	35,63
4	FM kulture i sporta	200.000	0,10	0,36
5	FM okoliša i turizma	3.856.204	1,97	6,99
6	Razvojna banka	4.274.797	2,19	7,75
UKUPNO		55.140.150	28,19	100,0

Grafički prikaz dodijeljene DP po federalnim ministarstvima u 2024.




2.2. Državna pomoć dodijeljena u Federacije BiH po federalnim budžetskim korisnicima i kantonima za period 2022- 2024. g.

Ukupno dodijeljena državna pomoć po kantonima (bez pomoći za poljoprivredu) za vremenski period od 2022- 2024. godine prikazana je u sljedećoj tabeli i grafikonu:

Tabela 3. Pregled državne pomoći po kantonima u Federaciji BiH od 2022. do 2024. godine

R.br.	Kanton\Županija	2022	2023	2024
1	UNSKO-SANSKI KANTON	9.509.691	9.673.309	6.167.818
2	ŽUPANIJA POSAVSKA	0	0	0
3	TUZLANSKI KANTON	15.611.847	16.477.773	16.231.004
4	ZENIČKO-DOBOJSKI KANTON	4.609.394	3.356.133	4.184.649
5	BOSANSKO-PODRINJSKI KANTON	1.640.016	1.337.250	2.781.315
6	SREDNJOBOSANSKI KANTON	0	0	0
7	HERCEGOVAČKO-NERETVANSKI KANTON	15.748.798	6.902.701	12.864.937
8	ŽUPANIJA ZAPADNOHERCEGOVAČKA	2.898.438	3.807.268	3.728.282
9	SARAJEVSKI KANTON	16.532.463	11.798.896	21.355.067
10	HERCEGBOSANSKA ŽUPANIJA	1.319.238	1.485.420	2.008.438
UKUPNO		67.869.885	54.838.750	69.321.510

Grafički prikaz državne pomoći po kantonima u Federaciji BiH od 2022. do 2024.



U 2024. godini u odnosu na prethodnu godinu dodijeljeno je više državne pomoći (bez državne pomoći za poljoprivredu) za 26,4% u odnosu na 2023. godinu, te više za 2,1% u odnosu na 2022. godinu po kantonima. U 2024. godini najveći iznos pomoći dodijeljen je u Sarajevskom kantonu sa učešćem od 30,8% u ukupnoj dodijeljenoj državnoj pomoći,


Tuzlanskom kantonu od 23,4%, te u Hercegovačko - neretvanskom kantonu od 18,6%. Županija Posavska i Srednjobosanski kanton ni u jednoj godini nisu imali dodijeljenje državne pomoći.

Prikaz ukupno dodijeljene državne pomoći po federalnim korisnicima bez pomoći za poljoprivredu za vremenski period od 2022-2024. godine nalazi se u sljedećoj tabeli i grafikonu:

Tabela 4. Pregled dodijeljene državne pomoći po budžetskim korisnicima FBiH 2022- 2024.

R.br.	Budžetski korisnik	2022	2023	2024
1	FM energije, rudarstva i industrije	0	0	2.518.000
2	FM prometa i komunikacija	28.000.000	26.977.954	24.645.000
3	FM razvoja poduzetništva i obrta	11.527.673	13.184.039	19.646.149
4	FM kulture i sporta	287.586	478.488	200.000
5	FM okoliša i turizma	1.500.000	2.660.749	3.856.204
6	Razvojna Banka	0	0	4.274.797
Total		41.315.259	43.301.230	55.140.150

Grafički prikaz državne potpore po budžetskim korisnicima u Federaciji BiH 2022 - 2024.



U odnosu na 2023. godinu, federalna ministarstva su u 2024. godini dodijelila viši iznos sredstava državne pomoći (bez državne pomoći za poljoprivredu) za 27,3% ili za 11,8 mil. KM. Najviši iznos državne pomoći dodijelilo je Federalno ministarstvo prometa i komunikacija 24,6 mil. KM tj. 44,7% od od ukupno dodijeljene državne pomoći po federalnim ministarstvima.

2.3. Državna pomoć Federacije BiH u odnosu na BDP

Dodijeljena državna pomoć za 2024. godinu ima učešće od 1,07% u bruto domaćem proizvodu (BDP) Federacije BiH za 2024. godinu. Pregled dodijeljene državne pomoći u odnosu na BDP FBiH prikazan je u sljedećoj tabeli:

Tabela 5. Učešće državne pomoći u BDP Federacije za 2024. godine*

R.br.	Oblik državne pomoći	BDP za 2024.	Iznos KM	Učešće %
1	Promoviranje regionalnog razvoja	32.846.247.000	431.600	0,00
2	Horizontalna državna pomoć		36.020.757	0,11
3	Vertikalna državna pomoć		32.158.097	0,10
4	Državna pomoć male vrijednosti		53.231.653	0,16
5	Usluge od općeg ekonomskog interesa		2.619.553	0,01
6	Državna pomoć za poljoprivredu		226.844.092	0,69
	Total		351.305.753	1,07

*FZS: Tromjesečni bruto domaći proizvod, IV tromjesjeće 2024., 31.03.2025., procjena

Ukupna državna pomoć po glavi stanovnika u FBiH za 2024. godinu iznosi 163,8 KM. Pregled dodijeljene državne pomoći u odnosu na broj stanovnika FBiH je prikazan u sljedećoj tabeli:

Tabela 6. Učešće dodijeljene pomoći po glavi stanovnika u FBiH za 2024. godinu**

R.br.	Oblik državne pomoći	Broj stanovnika	Iznos KM	Ukupno dodijeljeno DP u KM
1	Promoviranje regionalnog razvoja	2.144.748	431.600	0,20
2	Horizontalna državna pomoć		36.020.757	16,79
3	Vertikalna državna pomoć		32.158.097	14,99
4	Državna pomoć male vrijednosti		53.231.653	24,82
5	Usluge od općeg ekonomskog interesa		2.619.553	1,22
6	Državna pomoć za poljoprivredu		226.844.092	105,77
	Total		351.305.753	163,80

**FZS: Procjena ukupnog broja stanovnika u 2024. godini, stanje sredinom godine; Broj:14.2.1; Sarajevo 30.08.2024.


2.4. Državna pomoć dodijeljena u Federaciji BiH po kategorijama/vrstama dodijeljenje državne pomoći

U narednoj tabeli se nalazi pregled podataka o dodijeljenoj državnoj pomoći po kategorijama/vrstama uključujući i dodijeljenu državnu pomoć u oblasti poljoprivrede.

Tabela 7. Pregled dodijeljene državne pomoći u Federaciji BiH u 2024. godini

R.br.	Oblik državne pomoći	Iznos KM	Udio u ukupnoj državnij pomoći %
1	Promoviranje regionalnog razvoja	431.600	0,1
2	Horizontalna državna pomoć	36.020.757	10,3
3	Vertikalna državna pomoć	32.158.097	9,2
4	Državna pomoć male vrijednosti	53.231.653	15,2
5	Usluge od općeg ekonomskog interesa	2.619.553	0,7
6	Državna pomoć za poljoprivredu	226.844.092	64,6
Total		351.305.753	100,0

Grafikički prikaz pregleda dodijeljene državne pomoći u FBiH za 2024. (%) (sa poljoprivredom)




U narednoj tabeli prikazani su podaci o dodijeljenoj državnoj pomoći po kategorijama/vrstama bez dodijeljene državne pomoći u oblasti poljoprivrede.

Tabela 8. Pregled dodijeljene državne pomoći u Federaciji BiH u 2024. godini (bez poljoprivrede)

R.br.	Oblik državne pomoći	Iznos KM	Udio u ukupnoj državnoj pomoći %
1	Promoviranje regionalnog razvoja	431.600	0,3
2	Horizontalna državna pomoć	36.020.757	28,9
3	Vertikalna državna pomoć	32.158.097	25,8
4	Državna pomoć male vrijednosti	53.231.653	42,8
5	Usluge od općeg ekonomskog interesa	2.619.553	2,1
Total		124.461.660	100,0

Grafikički prikaz pregleda dodijeljene državne pomoći u FBiH za 2024. (%) (bez poljoprivrede)



Od ukupne pomoći za 2024. godinu na dodijeljenu horizontalnu državnu pomoć odnosi se 28,9%.

Vertikalna državna pomoć uzima učešće od 25,8% u ukupnoj strukturi državne pomoći po kategorijama.

Dodijeljena državna pomoć male vrijednosti uzima najveći procenat učešća u ukupnoj strukturi državne pomoći po kategorijama sa 42,8%.

Za usluge od općeg ekonomskog interesa dodijeljeno je 2,1% od ukupne pomoći.

Državna pomoć za promoviranje regionalnog razvoja zastupljena je u najmanje u strukturi ukupne dodijeljene državne pomoći 0,3%.


2.5. Državna pomoć dodijeljena u Federaciji BiH po instrumentima

U nastavku teksta je prikaz dodijeljene državne potpore po instrumentima.

Tabela 9. Pregled dodijeljene državne pomoći po instrumentima u FBiH za 2024. godinu

Instrumenti dodjele državne pomoći	Iznos KM	Učešće u ukupnoj državnoj pomoći %
Subvencije\Poticaji	31.099.790	25,0
Nepovratna pomoć\Grantovi	80.355.982	64,6
Otpisivanje dugovanja ili preuzimanje dugovanja	422.666	0,3
Dodjeljivanje zajmova sa preferencijalnom kamatnom stopom	12.583.222	10,1
Total	124.461.660	100,0

Grafički prikaz pregleda dodijeljene državne pomoći po instrumentima u FBiH za 2024. godinu



Nepovratna pomoć\grantovi sa 64,6% uzima najveće učešće u strukturi ukupne dodijeljene državne pomoći promatrano prema instrumentima dodjele državne pomoći. Subvencije\poticaji uzimaju 25,0% učešća, a instrument državne pomoći dodjeljivanje zajmova sa preferencijalnom kamatnom stopom 10,1%. Najmanje učešća u ukupnoj državnoj pomoći uzima instrument državne pomoći otpisivanje dugovanja ili preuzimanje dugovanja 0,3%.

2.6. Struktura dodijeljene državne pomoći u Federacije BiH za 2024.

Pregled strukture instrumenata dodijeljene pomoći odnosno pregled po oblicima državne pomoći prikazan je u sljedećoj tabeli:

Tabela 10. Pregled strukture dodijeljene državne pomoći u FBiH za 2024. godinu

OBLIK\STRUKTURA DRŽAVNE POMOĆI	Dodijeljena državna pomoć u 2024. godini		Učešće u ukupno dodijeljenoj državnoj pomoći %
	KM /€		
1) Promoviranje regionalnog razvoja	431.600	220.674	0,1
2) Horizontalna državna pomoć	36.020.757	18.417.121	10,3
a) državna pomoć malim i srednjim privrednim subjektima	22.434.255	11.470.452	
b) državna pomoć za sanaciju i za restrukturiranje privrednih subjekta u teškoćama	6.568.228	3.358.282	
c) državna pomoć za zapošljavanje zaposlenika koji se teže zapošljavaju ili sa invaliditetom	0	0	
d) državna pomoć za zaštitu životne sredine	1.505.692	769.848	
e) državna pomoć za istraživanje, razvoj i inovacije	50.000	25.565	
f) državna pomoć za usavršavanje	22.666	11.589	
g) državna pomoć u obliku rizičnog kapitala	0	0	
h) državna pomoć u oblasti kulture	5.439.917	2.781.385	
3) Vertikalna državna pomoć	32.158.097	16.442.174	9,2
a) državna pomoć u sektoru proizvodnje čelika		0	
b) državna pomoć u sektoru vađenja uglja		0	
c) državna pomoć u sektoru prometa	32.158.097	16.442.174	
4) Državna pomoć male vrijednosti	53.231.653	27.216.912	15,2
5) Usluge od općeg ekonomskog interesa	2.619.553	1.339.356	0,7
Državna pomoć za poljoprivredu	226.844.092	115.983.543	64,6
Total	351.305.754	179.619.780	100,00

2.6.1. Struktura horizontalne državne pomoći u Federacije BiH za 2024. godinu

Najviši udio u strukturi horizontalne državne pomoći zauzima državna pomoć malim i srednjim privrednim subjektima od 62,3%, slijedi državna pomoć za sanaciju i za restrukturiranje privrednih subjekta u teškoćama sa učešćem od 18,2%, državna pomoć u oblasti kulture zauzima 15,1% učešća, te državna pomoć za zaštitu životne sredine od 4,2%.

2.6.2. Struktura vertikalne državne pomoći u Federaciji BiH za 2024. godinu

Ukupan iznos vertikalne pomoći od 32.158.097 dodijeljen je u sektoru prometa.

ZAKLJUČNA RAZMATRANJA

Godišnji izvještaj o dodijeljenoj državnoj pomoći u FBiH sačinjen je na osnovu podataka dostavljenih od davatelja državne pomoći, odnosno na osnovu dostavljenih izvještaja federalnih korisnika i izvještaja kantona koji su objedinili podatke za pripadajuće gradove i općine.

U 2024. godini ukupno dodijeljena državna pomoć iznosi **351.305.754** KM, uključujući pomoć u oblasti poljoprivrede i ista je viša za 18,7% u odnosu na prethodnu godinu.

Državna pomoć za promoviranje regionalnog razvoja u 2022. i 2023. godini nije se dodjeljivala, a u 2024. dodijeljena je u iznosu od 431.600,00 KM.

Horizontalna državna pomoć zauzela je značajno mjesto u strukturi ukupne dodijeljene državne pomoći sa 10,3%. Od 8 potkategorija ove vrste državne pomoći u 2023. godini pomoć je dodijeljena kao:

- državna pomoć malim i srednjim privrednim subjektima;
- državna pomoć za sanaciju i za restrukturiranje privrednih subjekta u teškoćama;
- državna pomoć za zaštitu životne sredine;
- državna pomoć za istraživanje, razvoj i inovacije;
- državna pomoć za usavršavanje;
- državna pomoć u oblasti kulture.

Vertikalna državna pomoć, kao i prethodne godine, zauzima značajno mjesto u ukupnoj strukturi državne pomoći sa 9,2% udjela i u cijelosti je dodijeljena za pomoć u sektoru prometa.

Dodijeljena **državna potpora male vrijednosti** u 2024. godini viša je se u odnosu na 2023. godinu za 32,2%, a u odnosu na 2022. godinu niža je za 21,3%.

Usluge od općeg ekonomskog interesa u 2024. godini dodijeljene su u iznosu od 2,6 mil. KM i imaju znatno manje učešće u strukturi ukupne državne pomoći u odnosu na izvještaj iz 2023. godine.

Najveće učešće u ukupnoj državnoj pomoći u 2024. godini, kao i prethodnih godina, ima **državna pomoć u oblasti poljoprivrede** od 64,6% i iznosi 226,8 mil KM. U apsolutnom iznosu ova pomoć u odnosu na 2023. godinu viša je za 28,9 mil. KM i u odnosu na 2022. viša za 77,7 mil. KM.

Učešće dodijeljene državne potpore u BDP za 2024. godinu iznosi 1,07%, Državna pomoć po glavi stanovnika viša je u odnosu na prethodnu godinu za 26,1 KM i iznosi 163,8 KM.

Obaveza Federalnog ministarstva finansija kao organa za provođenje Zakona o sistemu državne pomoći u FBiH na nivou Federacije je informirati Vladu Federacije BiH o Godišnjem izvještaju, a po odobrenju izvještaja od strane Vlade Federacije BiH isto dostaviti Vijeću za državnu pomoć radi izrade sveobuhvatnog Godišnjeg izvještaja za Bosnu i Hercegovinu.